

f V sprach die ist ouch nit bekant  
Muntsaluachs ist sy genant  
Der bürge wirt roy am  
Terre de saluast ist sein nam  
Es bzachte der alte titurel  
An seinem royß frimioel  
Sus hies der werde wigant  
Vil mangan pzeiß erwarb sein hant  
Der lag an einer tyost tot  
Als im die minne gar gebot  
Der selbe lies vier werde kint  
Bei reichait drei in iamer sine  
Der vierde leidet armut  
Durch got vñ für sünde er d; thut  
Der ist gehaissen treuerzent  
Anfoztes sein bzüder lent  
Der enmag gereiten noch gegant  
Seligen noch gestant  
Der ist zü muntsaluachs wirt  
Vngnade sein nit verwirt  
Sy sprach herre welt ir dar  
Komen zü der iemerlichen schar  
So were auch dem wirt worden rat  
Vil kumbersden er lange hat

o Er waleys zü d; megoe sprach  
Gros wunder ich do sach  
Vñ mange frauwe wolgetan  
Bei der stim erkante sy den man  
Do sprach sy du bist partzifal  
Nun sage an sebe du den gral  
Vnd den wirt fröden lere  
Las hözen liebe mere  
Ob benedic sei sein freise  
Wol dich der selben reise  
Wañ das die luffte hant beschlagen  
Dar obe magstu höbe tragen  
Dir dienet zam vnd wile  
Zü reichen ist dir Wunsch gespilt  
Partzifal der wigant  
Sprach wo von habt ir mich erkant  
Sy veriach im d; bin ich die maget  
Die dir ein kumber hat geklaget  
Vnd dir sagte demen namen  
Du darfft dich nit der sippe schamē  
Das dem müter ist mein müme  
Weiblicher keüsch ein blüme  
Ist sy geleütert ane tauw  
Got lon dir das dich so raw  
Mein frunt der mir zer tyost lag tot  
Ich han albie vil grosse not  
Die mir got an im hat geben  
Das er nit lenger solte leben  
Er pflag mänlicher güte  
Sein sterben mich do müte  
Auch han ich seit von tag zü tage  
Fürbas erkennet neuwe klage  
o We war kam dem roter mund  
Bistu sygüne die mir kund  
Thete wer ich was an alle var  
Dem reidolet langes bzaunes bar  
Des ist dem haubet blos getan  
Zü dem forst zü prezilian  
Sach ich dich vil mynnickleiche  
Wie du werest iamers reiche